



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Confessio Fidei Exhibita Invictiss. Imp. Carolo V. Cæsari
Aug. in Comicijs Avgvstæ. Anno M. D. XXX.**

Melanchthon, Philipp

Viteberga, 1542

VD16 C 4714

De Potestate Ecclesiastica.

urn:nbn:de:hbz:466:1-35748

DE POTESTATE

mentes, simpliciter Pharisaicam & damnatam opinionem esse, q̄ illæ obseruationes mereantur remissionem peccatorum, q̄ propter eas iusti reputemur, q̄ propter eas consequamur uitam æternam, non per misericordiam propter Christum. Et nece se est sanctos viros qui in his uitæ generibus nix erunt, abiecta fiducia talium obseruationum, didicisse, q̄ remissionem peccatorum propter Christum gratis haberent, q̄ propter Christum per misericordiam consecuturi essent uitam æternam, non propter illos cultus, q̄ Deus tantum approbet cultus suo uerbo institutos, qui ualeant in fide.

DE POTESTATE EC- clesiastica.

Vehementer hic uociferantur aduersarij priuilegijs & immunitatibus Ecclesiasticistatus, Et addunt Epilogum. Irrita sunt omnia quæ in præsenti articulo contra immunitatem Ecclesiastorum & Sacerdotum inferuntur. Hæc est mera lumenia, Nos enim de rebus alijs in hoc articulo disputationemus. Cæterum sæpe testati sumus, nos platicas ordinationes, & donationes Principum & priuilegia non reprehendere. Sed utinam uicissim audirem-

audirent aduersarij quærelas Ecclesiarum & pia-
rum mentium. Dignitates & opes suas fortiter tu-
entur aduersarij, Interim statum Ecclesiarum ne-
gligunt, non curant recte doceri Ecclesiæ, & sa-
cramenta rite tractari. Ad Sacerdotium admis-
tunt quoslibet sine discrimine, Postea imponunt
onera intollerabilia, quasi delectentur exicio alio-
rum, suas traditiones longe accuratius seruari po-
stulant, quam Euangelium. Nunc in grauiissimis
& difficillimis controuersijs, de quibus populus
misere cupit doceri, ut habeat aliquid certi quo^d
sequatur, non expediunt mentes, quas dubitacio
acerbissime cruciat, tantum conclamant ad arma.
Præterea in rebus manifestis decreta sanguine
scripta proponunt, que minantur horrenda sup-
plicia hominibus, nisi manifeste contra mandata
Dei faciant. Hie uicissim oportebat uos uidere la-
chrimas miserorum, & audire miserabiles quere-
las multorum honorum hominum, quas haud du-
bie respicit, & exaudit Deus, cui aliquando ra-
tionem procurationis uestræ reddituri estis.

Cum autem nos in Confessione, in hoc arti-
culo, uarios locos complexi simus, aduersarij nihil
respondent, nisi Episcopos habere potestatem
regimvis

DE POTESTATE

regiminis & cohervitiae correctionis, ad dirigen-
dam subditos in finem beatitudinis æternæ. Et al-
potestatem regiminis, requiri potestatem iudican-
di, definiendi, discernendi, & statuendi ea que al-
præfatum finem expeditunt aut conducunt. Haec
sunt uerba Confutationis, in quibus docent nos ad
uersarij, q Episcopi habeant autoritatem conden-
di leges utiles ad consequendam uitam æternam.
De hoc articulo controversia est.

Oportet autem in Ecclesia retinere hanc do-
ctrinam, q gratis propter Christum fide accipia-
mus remissionem peccatorum. Oportet & haec
doctrinam retineri, q humane traditiones, si
inutiles cultus, quare nec peccatum, nec iusticia in
cibo, potu, uestitu, & similibus rebus collocanda
est, quarum usum uoluit Christus liberum relinqui-
cum ait. Quod intrat in os non coinquimat homi-
nem. Et Paulus, Regnum Dei, non est esca, aut po-
tus. Itaq; nullum habent ius Episcopi condendi tra-
ditiones extra Euangeliū, ut mereantur remis-
sionem peccatorum, ut sint cultus, quos approbat
Deus tanquam iusticiam, & qui grauent conscienc-
tias, ita ut peccatum sit eos omittere. Hæc omnia
docet uel unus Locus in Actis, ubi Apostoli dicunt
filii

Fide purificari corda. Et deinde prohibent impo-
nere iugum, & ostendunt quantum periculi sit, ex-
aggerant peccatum istorum qui onerant Ecclesi-
am. Quid tentatis Deum, inquit? Hoc fulmine
nihil terrentur aduersarij nostri, qui ui defendant
traditiones & impias opiniones. Nam & supra
damnauerunt articulum XV. in quo posuimus q
traditiones non mereantur remissionem peccato-
rum, & hic dicunt traditiones conducere ad ui-
tam æternam. Num merentur remissionem pecca-
torum? num sunt cultus quos approbat Deus, tan-
quam iusticiam? num uiificant corda? Paulus ad
Colossenses, ideo negat prodesse traditiones ad
iusticiam æternam & uitam æternam, quia, cibus
potus, uestitus & similia sint res usu pereuentes. At
uita æterna in corde, rebus æternis, hoc est, uer-
bo Dei & spiritu sancto efficitur. Expediant igit
tur aduersarij quomodo conducant traditiones ad
uitam æternam.

Cum autem Euangclium clare testetur, q
non debeant imponi Ecclesiæ traditiones, ut mere-
antur remissionem peccatorum, ut sint cultus quos
approbet Deus tanquam iusticiam, ut grauent co-
scientias, ita ut omittere eas iudicetur esse pecca-
tum, nunquam poterunt aduersarij ostendere, q

Episcopi

DE POTESTATE

Episcopi habeant potestatem tales cultus instituendi.

Cæterum quoniam potestatem tribuat Euangelium Episcopis, diximus in Confessione. Qui nunc sunt Episcopi, non faciunt Episcoporum officia iuxta Euangelium, sed sicut sane Episcopi iuxta politiam Canonicam, quam non reprehendimus. Verum nos de Episcopo loquimur, iuxta Euangelium. Et placet nobis uetus particio potestatis, in potestatem ordinis & potestatem Iurisdictionis. Habet igitur Episcopus potestatem ordinis, hoc est, ministerium uerbi & sacramentorum, habet & potestatem Iurisdictionis, hoc est, autoritatem excommunicandi obnoxios publicis criminibus, & rursus absoluendi eos si conuersi petant absolutionem. Neq; uero habent potestatem tyrannicam, hoc est, sine certa lege, neq; regiam, hoc est, super legem, sed habent certum mandatum, certum uerbum Dei, quod docere, iuxta quod exercere suam Iurisdictionem debent. Quare non sequitur, etiamsi habeant aliquam Iurisdictionem, non possint nouos cultus instituere. Nam cultus nihil pertinet ad Iurisdictionem. Et habent uerbum, habent mandatum, quatenus exercere Iurisdictionem debeant, scilicet, si quis commiserit aduersarii.

sus illud uerbum, quod acceperunt a Christo:

Quanquam nos in Confessione addidimus etiam quatenus licet eis condere traditiones, uidelicet, non tanquam necessarios cultus, sed ut sit ordo in Ecclesia propter tranquillitatem. Et haec non debent laqueos in iure conscientijs, tanquam praecipient necessarios cultus, sicut Paulus docet, cum ait. In libertate, qua Christus uos liberauit, stante, nec iterum iugo seruitutis subiiciamini. Oportet igitur liberum usum talium ordinationum relinquere, modo ut scandalum uitentur, ne iudicentur esse cultus necessarij, sicut pleraque ordinauerunt ipsi Apostoli, quae tempore mutata sunt. Neque ita tradiderunt, ut mutare non liceret. Non enim disseriebant a suis scriptis, in quibus magnopere laborant, ne Ecclesiam opprimat opinio, quod ritus humani sint necessarij cultus.

Hec est simplex ratio traditionum interpretandarum, uidelicet, ut sciamus eas non esse necessarios cultus, et tamen propter uitanda scandalum in loco sine superstitione obseruemus. Et sic multi docti et magni uiri in Ecclesia senserunt. Nec uimus quid opponi possit. Certum est enim sententiam illam, Qui nos audit, me audit, non loqui de traditionibus

DE POTESTATE

tionibus, sed maxime contra traditiones facere. Non est enim mandatum cum libra, ut uocant, sed cautio de rato, de speciali mandato, hoc est, testimoniūm datum Apostolis, ut eis de alieno uerbo non de proprio credamus. Vult enim Christus confirmare, quemadmodum opus erat, ut sciremū uerō traditum per homines efficax esse, quārēndum esse aliud uerbum de cœlo. De traditionibus non potest accipi, qui uos audit, me audit. Requirit enim Christus, ut ita doceāt, ut ipse auditur, quia dicit. Me audit. Igitur suam uocem, suum uerbum uult audiri, non traditiones humanas. Id dictum quod maxime pro nobis facit, et gratissimam consolationem et doctrinam continet, detinent isti asini ad res nugaciissimas, discrimina ciborum, uestitus, et similia.

Citant et hoc. Obedite præpositis uestris. Hæc sententia requirit obedientiam erga Euangeliū. Non enim constituit regnum Episcopis extra Euangeliū. Nec debent Episcopi traditiones contra Euangeliū condere, aut traditiones sibi contra Euangeliū interpretari. Idq; cum factūt, obedientia prohibetur, iuxta illud. Siquis aliud Euangeliū docet, anathema sit.

Ide

Idem respondemus ad hunc locum. Quid= quid dixerint, facite, q̄ constet, non uniuersaliter præcipi, ut omnia recipiamus, quia alibi iubet scrip tura plus obediare Deo, quam hominibus. Quando igitur impia docent non sunt audiendi. Hæc autem impia sunt, q̄ traditiones humanæ sint cultus Dei, q̄ sint necessarij cultus, q̄ mereantur remissionem peccatorum & uitam æternam.

Obijciunt & scandala publica, & motus qui exorti sunt preteritu nostræ doctrinæ. Ad hæc bre uiter respondemus. Primum, constat Dei benefi cito Principes nostros habere obedientem populum in suis dictionibus. Et hoc ipsum doctrinæ genus quod sequimur, quia amplissimis laudibus ornat autoritatem magistratum, auget reverentiam erga eos. Ea res etiam plurimum conducit ad tran quillitatem retinendam. Deinde si conferantur in unum scandala omnia, tamen hi duo articuli, uide licet, q̄ gratis consequamur remissionem peccato rum propter Christum per fidem, & q̄ iusti prop ter Christum reputemur fide, nō propter nostram impletionem legis. Et alter, q̄ magistratus leges & tota politia sint ordinationes diuinæ, quibus Christianus sancte uti potest, tantum habent boni,

A a ut in

DE POTESTATE

ut incommoda omnia obruant. Nullam enim fidem consolationem pauidæ conscientiae habent possunt aduersus iram Dei, nisi cognito altero articulo. Alter articulus ualde munit tranquillitatem rerum publicarum. Porro quam perniciose opinionibus ante hæc tempora, utrumq; doctrinæ genus oppressum fuerit, nemo ignorat, & libri aduersariorum testantur, qui nusquam fidei mendacem faciunt, cum de remissione peccatorū loquuntur. Nusquam docent de dignitate rerum ciuilium. Nusquam docent quomodo Euangelium tradat iusticiam æternam, Interim in uita corporali uel nos uti politicis legibus ac moribus. Hæres patescet, initio fauorem conciliauerunt Lutherο, non solum apud nos, sed etiam apud multos qui numeris atrocissime nos oppugnant. τωλαιαὶ εὐδικαγίες, ἀρνητοες δὲ Ερκοι, inquit Pindarus. Iam siquicunq; tumultus extiterunt iure conferri culpa potest in aduersarios, qui primum iniusta condemnatione Lutherī Schisma excitarunt, & Ecclesiā dissipauerūt. Et nunc miram seuiciam exercentiū viros bonos & pia docentes. Irritant hominum animos & alijs modis, quos hic non libet recitare. Neq; uero adeo ferrei, adeo sine sensu sumus, si offensiones publicæ nihil perturbent nos. Sed me

minimus

minimus a Christo dictum esse. Beatus qui in me non fuerit scandalizatus. Hoc enim agit diabolus tum ut opprimat, tum ut deformet Euangelium infinitis modis. Alibi tyrannos contra Euangelij professores inflamat, alibi bella, alibi seditiones, alibi hereses excitat, ut reddat inuisum hoc doctrinæ genus, quod uidetur occasionem prebere talibus motibus. Ac uero prudentibus uiris facilius est sua pericula negligere, quam illa scandala publicorum motuum. Verum aduersus hæc quoq; oportet Christianam mentem præmunitam esse, ne propter ea uerbum Dei abiiciat.

Quanquam autem non delectat nos comparatio, tamen quia aduersarij hac criminatione prægrauant nos, non sunt dissimulanda ipsorum uicia. Quantum mali est apud aduersarios in sacrilega prophanatione Missarum? quantum turpitudinis habet coelibatus eorum? Cultus sanctorum plenus apud eos est manifesta Idolatria. Nihil ne scandali est in ambitione Pontificum, qui iam annis amplius quadringentis belligerantur cum nostris Imperatoribus, Plerunq; in Italia, interdum etiam in ipsa Germania, ubi inter se filium & Patrem, cognatos ac ciues commiserunt. Quod si bellorum isto-

A a ij rum

DE POTESTATE

rum causæ requirantur ex historijs, nihil inuenies
tur dignum Pontificibus, dicemus enim moderatis-
sime. Quantum est mali, q̄ in ordinandis Sacerdoi-
bus non deligunt idoneos? quid in mercatu Sacer-
dotiorum? Item in periculis disputationibus ni-
hil ne est uicij? Sed hæc uicia ut cunq; condonari
possent, si tamen conseruassent puram doctrinam
in Ecclesijs. Hæc uero quomodo contaminata sit
impijs opinionibus ac traditionibus testantur Cano-
nistarum scripta, testantur libri Theologorum,
pleni disputationum prophanarum, que partim
sunt inutiles ad pietatem, partim etiam dissident ab
Euangelio. Deinde in interpretatione scripture
ludunt & comminiscuntur quidquid libet.

Hæc doctrinæ confusio præcipuum est scandalum, & maxime perniciosum, de quo præcipue
queritur Iohannes in Apocalypsi, cum describit
Pontificium regnum. Quid cum uentum est ad Mo-
nachorum supersticiones, que fuerunt infinite,
quantum ibi est perniciosarum offenditionum? qua-
lis fuit applicatio meritorum, si cadaueri circum-
daretur cucullus? &c. Porro nihil ne scandali est,
quod hoc tempore manifestam ueritatem Euange-
lij opprimere conantur? q̄ crudeliter occidunt bo-

nos uiros pia docentes, q̄ prohibēt nē rebus cognē
tis sanentur ambigētes cōscientiæ, q̄ Reges hortan-
tur ad crudele latrociniū. Scilicet hæ nō sunt scan-
dala iudicanda, sed mera κατορθωματα, Pontifi-
cia. Neq; uero libet nobis hic quidquam pro mag-
nitudine rerum exagerare, ne quis delectari nos
ista commemoratione putet, quam extorserunt no-
bis inuitis scriptores Confutacionis. Nam hæc cau-
sa non ex hominum moribus, aut ex fortuna, sed
ex uerbo Dei iudicari debet, quod utimam adhibe-
rent in consilium omnes, qui de his controuersijs
pronunciant. Iterum autem hic dicendum est, quod
sepe iam diximus. Nos maxime cupidi sumus pub-
lice concordiæ, pacisq;, quam certe Christianos
maxime inter se colere decet. Deinde inuiti dissen-
timus ab optimo Imperatore, quem non solum
propter Imperij fastigium, sed etiam propter uirtus
tes uere heroicas, quibus cognouimus eū preditum
esse ueneramus, sed aduersarij nō paciuntur coire
concordiam nisi hac lege, ut nos assentiamur con-
demnantibus manifestam ueritatem Euangeli, &
Ecclesiæ necessariam. Id facere non possumus.
Oportet enim Deo magis obedire, quam homini-
bus. Quare aduersarij rationem Schismatis redi-
turi sunt Deo, qui Ecclesiæ noua & inusitata

Ad iij seuicet

DE POTES. ECCLE.

Seuicia dissipant. Neq; dubium est, quin hæc seuicia
mutationem aliquam rebus publicis allatura sit.
Hæc pro tempore respondimus ad Confutacionem,
ac iudicium p̄ijs omnibus permittimus, utra pars
recte sentiat. Et offerimus nos, nostram sen-
tenciam de singulis locis, Siquid ali-
cubi desiderabitur, copio-
sius declaraturos.
esse.

τελΩ.

IMPRESSVM VITÆ BERGAE

per Georgium Rhau.

M. D. XLII.